



**Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

Dubium I. An dentur in rerum natura Angeli, & à quo, quando, & vbi sint producti.

---

[urn:nbn:de:hbz:466:1-72856](#)

## Q V A E S T I O I.

De existentia & productione Angelorum; eorumque substantia, varietate, & numero.

S. Thomas i. p. q. 50. & 61.

**A**bsolutetur hec questio sex dubitationibus. I. An dentur in rerum natura Angelis; & à quo, quando, & ubi sint producti. II. Sintne Angelii corpori, an planè incorpori. III. Virtùm Angelii natura sua sint corruptibiles vel incorruptibiles; atque etiam entia necessaria. IV. Virtutem Angelii sint substantiae intelligentes, & quidem nomine superiores. V. Quot sint hierarchie & ordines Angelorum; & an, ac qua ratione inter se specie ac numero different. VI. De multitudine Angelorum; & speciatim de septem Angelis, qui adstant dicuntur coram DEO.

## D U B I U M I.

An dentur in rerum natura Angelis; & à quo, quando, & ubi fuerint producti.

S. Thomas i. p. q. 50. a. 1. & q. 61. aa. 4.

**A**git quidem S. Thomas de productione Angelorum primū post explicatam eorum naturam: sed quia res hæc omnis ad existentiam eorum dñm, & questionem, An est, pertinet, commodiū hoc loco tractatur. Intelligentur autem nomine Angelorum in hac tractatione substantiae quedam finita intelligentes, cōpletæ, inuisibilis; qua proinde nec Deus sunt, nec homo, aut anima humana; nec omnino quicquam eorum, quæ oculis cernimus; sed quiddam ab his omnibus distinctum; de quibus quod ad præsentem dubitationem spectat, sequentes assertiones statuimus.

Assertio I. De fide est dari Angelos; hoc est, substantias quasdam finitas, Deo subordinatas, intelligentes, completas, à Deo ac homine distinctas; & extra censum omnium rerum harum visibilium positas; qui etiam in scripturis administratorj spiritus dicuntur. Hęc assertio sub his terminis videtur extra controversiam; nec illus est, qui eam neget, præter Atheos, qui etiam Deum negant; & præter Sadduceos, qui dixerunt, non esse resurrectionem, neque Angelum, neq; spiritum, vt refertur Act. 23. v. 8. & notauit etiam S. Thomas q. 50. a. 1.

Probatur aperte ex Scriptura. Psal. 90. v. 11. & Matth. 4.v.6. dicitur, *Angeli suis mandavit de te. Vbi de Angelis sit mentio, tanquā de substantijs ad capessenda diuina mandata Deo subordinatis, adeoque intelligentibus, distinctis ab homine animaq; hominis; utpote quorum custodes homines dicuntur deputati.* Item Psal. 103. v. 4. *Qui facit Angelos tuos spiritus, & ministros tuos ignem vorantem.* Quod etsi ad literam imediate etiam intelligi possit de vento & igne, ad quemuis nutum Dei quodammodo paratis; principali tamen sensu ad Angelos, de quibus agimus, pertinet, vt constat ex Hebræorū c. 1. v. 7. Vbi Apolotus eundem locū citans ait: *Et ad Angelos quidem dicit; Qui facit Angelos suos spiritus, & ministros suos flammam ignis.* Huc spectat illud Heb. 1. v. 14. *Nonne omnes sunt administratorj spiritus.* Et v. 6. ex Psalmo 96. v. 8. referrur illud, *Et adorant eum omnes Angeli eius.* Omitto alia innumera testimonia in-

ferius suis locis referenda; in quibus semper mentione est de Angelis, tanquam de substantijs quibusdam sua natura inuisibilibus, intelligentib; à Deo homineque distinctis. Huc spectat etiam decretum Concilij Lateranensis sub Innocentio III. vt refertur cap. Firmiter, de sum. Trinit. & fid. Cathol. inferius referendum. Idem agnoscent omnes Patres. De ratione mox videbimus.

Quare de Angelorum existentia eorumq; conditione breuiter & præclare Bernardus l. 5. de considerat. c. 3. Primo quidem, inquit, *spiritus ciues esse illic, potentes, gloriosos, beatos, distinctos in personas, dispositos in dignitates, ab initio stantes in ordine suo, perfectos in genere suo, corpore atberos, immortalitate perpetua, impaf- sibles, non creatos, sed factos, id est, gratia, non natura, mente puros, affectu benignos, religione pios, castimonia integros, unanimitate individuos, pace securos, à Deo conditos, diuinis laudibus & obsequijs deditos: hęc omnia legendo compenimus, fide tenemus.* Quanquam de corporibus horū non modo unde sint, sed an aliquatenus sint, hęc sententia aliquorum. Vnde si quis inter opinabilia magis id ponendū censuerit, non contendit. Ita Bernardus. De qua rem plura dub. seq.

Assertio II. Angelos esse, tamēt ratione aliqua physica, aut metaphysica, ex solis naturalium rerū effectis, aut ipsa rerum naturā deprompta, demonstrari evidenter non possit; moraliter tamen, & ex effectis quibusdam moralibus, id satis certo & euidenter demonstratur. Hęc assertio sumitur ex S. Thoma l. 2. cont. gent. c. 46. & 91. Ferrariensi ibid. Vasquez disp. 178. cap. 1. Suarez Metaph. disput. 35. & hic lib. 1. cap. 1. num. 8. & cap. 7. cap. 1. num. 7.

Probatur & declaratur. Rationes enim S. Thomæ cit. c. 91. sunt istæ. I. Quia quod est perse, prius est eo, quod est per accidens; sed dantur substantiae intelligentes incompletæ, quæ per accidens separatae sunt à corpore: Ergo dantur aliae, quæ perse expentes sunt corporis. II. Nō est de ratione substantiæ intellectualis ex suo genere, vt sit corporivita; Ergo dantur aliae substantiae intellectuales, quæ corpori

corpori sua natura non vniuntur. III. Datur substantia quædam corporea, puta homo, cuius supremus gradus & perfectio est, esse intelligentem; Ergo datur substantia quædam creata superior, cuius infima, & inter omnes sui generis communissima sit perfectio esse intelligentem; quæ proinde non potest esse corporeat: quia natura superior in suo infimo contingit naturam inferiorem, in suo supremo, omissis imperfectionibus cum hac excellentia pugnantibus. IV. Perfectum in suo genere natura prius est imperfecto; at verò anima rationalis in genere substantia intellexualis est imperfecta: Ergo datur aliqua substantia in eo genere perfecta; quæ proinde sit mere intellectualis, & incorporeta.

8. V. Datur gradus substantia creatæ corporeæ; Ergo etiam dabitur gradus substantia creatæ penitus in corporeæ; quandoquidem ratio substantiaæ vt à quantitate, ita etiam à corpore independens est. VI. In homine composito ex corpore & spiritu, alterum eorum, quod est imperfectius, nèpe corpus, seu gradus corporis datur per se, & sine adiuncto spiritu sua natura existens: Ergo etiam spiritus aliquis dabitur sine corpore sua natura existens, cum spiritus sit præstantior, & ex suo genere minus dependeat à corpore, quam corpus à spiritu. VII. Intelligere solum per phantasmatæ & adminicula corporis, est in suo genere quiddam imperfectum: Ergo datur aliquod intelligere creatum per se ac suâ natura independentem planè à corpore; quod non potest esse nisi in substantia spirituali. VIII. Iuxta discursum Aristotelis 12. Metaph. Motus cœlorum sunt à motoribus immobilibus, indeficientibus, adeoque incorporeis, & simul tamen intelligentibus: Ergo dantur substantia incorporeæ intelligentes, adeoque Angeli.

9. Hæ rationes tametsi optimæ congruentia sint, ad hanc veritatem persuadendam, præsertim quæ ex gradu substantia creatæ spiritualis, ad perfectionem vniuersi requisito petitur; non tamen planè coniuncta intellectum. Tum quia earum creatio, etiam supposito decreto Dei communicandi se creaturis, fuit libera; sicut & arbitriarum Deo fuit, qualcum voluit perfectionem mundo tribuere. Tum quia nec iam quidem vndiqueque certū & euidentis existimatur, Angelos esse substantias mere spiritualis; vt dicetur dub. seq. cum tamen omnia hæc argumenta eo tendant, vt non solum probent, quounque modo Angelos esse, sed etiā spiritualis & incorporeas substantias esse. Tum denique quia gradus Entis mere spiritualis nihil minus in Deo habiturus fuisset locum, etiam si Angelii creati non fuissent; præterquam quod fortasse euidenter non constat, cum in creatura possibilem esse. Atque hanc partem assertiois tueretur etiam Gregorius de Valentia hic q. 1. punct. 1.

10. Nihilominus tamen, quæ erat altera pars assertiois, Angelorum existentia, sub notione superiorius explicata, euidenter, saltem morali quadam evidenter, demonstratur ex effectis quibusdā moralibus, atque à libero arbitrio procedentibus, vt indicant etiam Vasquez & Suarez loc. cit. Non solù quia energumeni ea saepè agunt & dicunt, quæ cum mala sint, & non minus vires proprias, quam

animæ separatae excedant, necessario videntur malis spiritibus tribuenda: hæc enim cum ipsiis energumenis libera non sint, adeoque ex parte eorum culpa vacent, possent forte materialiter, certum ob finem, à solo Deo effici; sicut in comedijis quædoque similia absque peccato representantur; vt quod hoc sentit etiam Gregorius de Valentia loc. cit. sed vel maxime; quia tum occulis suggestionibus, saepè ab omni humana natura inclinatione alienis; tum manifestis apparitionibus & effectus, moraliter fit euidentis, homines etiam sui compotes, ad malum libera voluntate patrandum, ab extrinseco, coquæ alias inuisibili suasore impelli; medijisque nonnunquam plus quam humanis (vti præcipue in magorum incantationibus & veneficijs, alijsue admirandis eorum operibus videre est) promoueri & adiuuari. Quod cum neque Deo, neque bono spiritui vlla ratione tribui possit; neccesse est ab aliquo creato spiritu, seu substantia inuisibili mala, & quidem ab animabus separatis distincta profici sci. Quare etiam loc. cit. notat Vasquez, hoc argumento & experimento plurimos hoc nostro tempore in Gallia & Anglia ab Atheismo reuocatos: et si Gregorius de Valentia loc. cit. nec hoc argumentum plusquam probabile iudicet.

Neque enim, vt bene notauit etiam Suarez hic lib. 1. cap. 1. num. 8. eiusmodi effectus possunt tribui animabus separatis defunctorum; quia iuxta veram Philosophiam, anima separata sua natura non plus potest circa materiam externam, quæ posset coniuncta; imò fortasse minus: siquidem corpori coniuncta saltem per illud poterat, intraceritos limites, alia corpora immutare; quod iam non potest. Quare etiam infideles & gentiles omnes iam olim etiam pro comperto habebant, et si aliquas substantias inuisibilis humine superiores; qui & homini benefacere, & male possent; à quibus proinde & oracula exspectabant, & beneficia petebant; vt videre est apud Cyprianum lib. de idolor. vanit. Lactantium lib. 2. diuin. Instit. cap. 15. Theodoretum lib. 3. græcan. affect.

11. Assertionem III. Angelii neque ex se existunt; neq; eorum alijs ab alijs; sed omnes à Deo fuerunt produci. Ita S. Thomas 1. p. q. 6. a. 1. & consentient omnes Doctores; & est de fide contra obloquias quædam heræles; in quibus olim Valentiniæ trinitatiæ AEones (spirituales quædam substantias) alias ab alijs progenitas dicebant, apud Irenæum lib. 1. cont. heræf. c. 1. itē contra Hermannu Rissuic hereticū, qui circa Annū Christi MDXII. inter alia absurdæ dogmata negabat, Angelos sive bonos, sive malos fuisse à Deo creatos, vt refert Alphōsus à Castro lib. 2. cont. heræf. verbo Angelus. Omito Manichæos, & Priscillianistas, qui Angelos, ex Dei substantia extitisse docuerunt, contra quos est Canon. 5. Concilij Bracharen sis I. in quo dicitur: si quis animas humanas, vel Angelos ex Dei credit substantia extitisse, sicut Manichæus & Priscillianus dixerunt, anathema.

12. Probatur assertio aperte ex Scriptura. Psal. 103. & Heb. 1. supra cit. Qui facit Angelos suos spiritum, Et Ioā. 1. v. 3. Omnia per ipsum facta sunt. Coloss. 1. v. 16. In ipso condita sunt vniuersa, in celis, & in terra, vñibilia

*E*n inuisibilis, siue throni, siue dominationes siue principatus, siue potestates; omnia per ipsum; *E*t in ipso creata sunt; & ipse est ante omnia, *E*t omnia in ipso constat. Adde illud Iob 40. vers. 10. iuxta communem expositionem Hietonymi & Gregorij. Ecce Behemoth, quem feci tecum. Quibus accedit Symbolum Nicænum, in quo profitemur, Deum creatorem visibilium & inuisibilium; & definitio Ecclesiæ cap. Firmiter superius citata. Ratio est evidens. Quia omne ens, quod vere & realiter est & Deus non est, à Deo productum est. Accedit, quod Angeli sunt substantia spirituales, quæ generandi aut aliam substantiam producendi vim nullam habent ut partim dub. seq. partim quæst. 5. dub. 4. dicetur: Ergo non à se, sed à solo Deo; nec ex villa præexistente materia, sed per productionem ex nihilo, siue creationem producuntur; vii etiam in cit. cap. Firmiter definitur.

14 **Assertio IV.** Angeli non fuerunt producti, nec extiterunt ab æterno; sed aliquando incepérunt esse. Ita Sanctus Thomas quæst. 61. a. 3. & Scholastici omnes, cum Magistro in 2. dist. 3. consentientibus omnibus SS. Patribus; contra Aristotelem, alioſque nonnullos Philosophos, qui mundum, motum, & motores Angelos posuerunt ab æterno; adeo ut contrarium absque errore defendi non possit. Probatur ex Scriptura, quæ docet, Deum antecessisse duratione omnem rem creatam, cit. Coloss. 1. v. 16. Proverb. 8. v. 22. Dominus posseit me in initio viarum suarum, antequam quicquam faceret. Eccli. 24. v. 5. Primogenita ante omnem creaturam. Ioann. 17. v. 5. Quam habui priusquam mundus ficeret. Ephes. 1. v. 4. Elegit nos in ipso ante mundi constitutionem. Idem definitur citat. cap. Firmiter: Ratio est. Quia nec potuit creatura esse ab æterno, ut dicetur disp. seq. nec si potuisse, erat admodum conueniens, esse, ut ibidem dicetur. Sanctus Basilus autem hom. 1. Hexaëmeron, quando Angelum vocat *æternum*; de æternitate à parte post, & ingenita natura incorruptibilitate accipiendus est.

15 **Assertio V.** Angeli non fuerunt producti, ante mundum corporeum; nec primum post creatum cœlum & terram; sed simul cum creatura corporea, cœlo nimirum & terra in principio temporis creatis. Ita habet communis omnium Scholastico-rum sententia, cum Magistro in 2. dist. 3. & S. Thomas hic q. 61. a. 3. quam speciatim etiam tuncuntur. Caietanus & Thomistæ ibidem, Ferrariensis 2. cōt. gent. cap. 83. Gregorius de Valentia hic q. 12. pun. 2. Molina cit. q. 61. a. 1. Vasquez disp. 204. cap. 1. Suarez lib. 1. cap. 3. contra diuerſas quorundam hac de re opiniones.

16 Primo enim multi ex Patribus, tam græcis, quam latinis, senserunt, Angelos fuisse creatos ante mundum corporeum; speciatim Origenes homil. 4. in Isaiam, & tract. 9. in Matth. Basilius loc. cit. Gregorius Nazianzenus orat. 3. de Natiuit. & orat. 42. in Pasch. Damascenus lib. 2. de fid. cap. 3. Nicetas in orat. 39. Nazianzeni. Ex latiniſ, Clemens Romanus lib. 8. Constit. capit. 12. Ambroſius lib. 1. Hexaëm. Hilarius lib. 12. de Trinit. Hieronymus ad Tit. 1. & Cassianus collat. 8. capit. 7. Idem habetur in manuscripto libro

Reuelationum B. Amadei reuel. 1. vbi dicitur, Angelos simul cum cœlo Empyreo fuſſe creatos, per multa ſeculorum curricula, ante mundum hunc ſenſibilem. Quem librum etiſ quidam magni aſtimant, ego tamen cum dudum diligenter perlegiſsem, ſuppoſitum, aut deprauatum existimau. Citantur etiam à nonnullis Chrysostomus & Augustinus; ſed quos ab hac opinione vindicat Vasquez disp. 204. cap. 1.

Secundo aliqui, in quibus Genadius lib. Eccles. dog. cap. 10. idemque & Achatius apud Lipomanum catena in Genes. cap. 1. & Rupertus lib. 1. in Genes. cap. 11. dieunt, Angelos creatos post cœlū & terrā, qua à Deo in principio creata Moyses di-xerat, licet ante reliquū opus creationis, nimirum ante primū diē, vel primo die, quando lux fuit creata. Et fauent alij, qui nomine lucis primo die creatae Angelos intellexerunt; quos refert Gregorius de Valentia q. 12. pu. 2. cum tamen ante lucē productā, iam creatum fuerit cœlum & terra, & tenebrae efficiunt ſuper faciem abyſſi, Genes. 1.

17 Probatut assertio primo ex Scriptura Eccl. 18. v. 1. vbi dicitur, *Qui vivit in æternum, creavit omnia simul.* Quod etiam iuxta proprietatem verborum, facile intelligi potest, ſi de totius yniuersi ſubſtantia, ſeu de ſubſtantij proprie creatis, completiſq; intelligatur, hoc ſenſu, Deus omnia quæ proprie ac per ſe creauit, ſeu quod idem eſt, totam mundi ſubſtantiam, quoad perfectionem eſſentialem, ſimul creauit. In quem ferè ſenſum etiam S. Thomas q. 74. a. 2. ad 2. eum locum explicans dicit, *quod Deus creavit omnia simul, quantum ad rerum ſubſtantiam quodammodo informem; ſed quantum ad formationem, qua facta eſt per diſtinctionem & ornatum, nō simul, unde signanter oriuit verbo creationis.* Ita S. Thomas. Et conſentit huic explicationi etiam Gregorius 32. Moral. cap. 9. Eam denique ob causam Augustinus lib. 4. Genes. ad lit. cap. 33. & 34. omnia uno momento creata existimat. Quanquam alij, cum hunc locum promiscue de toto opere ſex di-erum accipiant, voculam *simul*, ita explicent, vel ſit idem ſolum, quod *pariter*, ſeu ex a quo, vel exponunt etiam Gregorius de Valentia & Vasquez locis citatis; vel ut *simul* intelligatur moraliſter, hoc eſt eodem breuissimo tempore, ſex dierū, quod ipſum tamen auctoribus oppoſitæ ſententiae aduerſatur, qui volunt Angelos multo admodum tempore ante mundum corporeum creatos.

18 Huc spectat etiam locus Genes. cap. 1. vers. 1. *In principio creauit DEUS cœlum & terram.* Vbi illud *In principio*, inter alia significata, ad literam in primis etiam significat. In principio temporis ſeu durationis, ut explicatur etiam cit. cap. Firmiter. vel etiam, *Ante omnia*, nimirum reliqua, quæ creata ſunt à Deo, vt etiam multi Patres explicant. Cum ergo mundus corporeus sit creatus in principio durationis, ſeu temporis; neque Angelos ante principium durationis ſeu temporis fuerint producti (cum tempore enim Angelico, non ab æterno producti ſunt) conſequens eſt, Angelos non fuſſe productos ante mundum corporeum. Eodemque argumento etiam Augustinus l. 11. de ciuit. c. 6. & Epiphanius hæref. 65. docet, nihil fuſſe productum ante cœlum & terram. Denique,

Valde verisimile est, quod docet etiam Procopius praefat. in Genesin, Moysen in illis verbis sub nomine *Celi* tacite & indirecte etiam significare voluisse Angelos, velut incolas cœli; ne si eorum postea saepius mentionem fecisset, & productionem tamen penitus tacuisse, increata substantia videtur possent; præsertim cum etiam David Psal. 148. v. 1. *Laudate Dominum de celis*, sub nomine *celorum* Angelos comprehendisse videatur, ut ex sequenti contextu verborum colligitur: sicut & sub nomine *cœli* & *terræ* Moysen tacite insinuasse etiam cætera elementa disp. seq. dicetur. His accedunt contra alteram sententiam superius relatam, duo specialia loca scripturæ inferius obiect. 1. & 2. referenda.

20 Secundo probatur eadem assertio ex SS. Patribus. Ita enim ex Græcis docent Epiphanius hæres. 65. Theodoretus quest. 3. in Genes. Procopius praefat. in Genes. Ex Latinis ita docet Augustinus lib. 11. de ciuit. Dei cap. 6. 9. 32. & 33. & lib. 22. cont. Faust. cap. 10. & in Genes. opere, imperf. cap. 3. & lib. 2. de Genes. ad lit. cap. 8. & in psal. 89. quicqđ pseudonymus liber de Deit. & Incarnat. cap. 6. rem sub dubio relinquat. Idem docet Gregorius lib. 32. Moral. cap. 9. siue 10 & cap. 18. seu 24. & lib. 26. cap. 7. siue 14. & lib. 27. cap. 24. vel 25. vbi dicit, Moysen Genes. 1. v. 1. percolum intellexisse Angelos. Consentient Beda tom. 4. Hexaem. & tom. 8. lib. quest. in Genes, item Hugo Victorinus lib. 1. de sacram. part. 1. cap. 5. & part. 5. à cap. 1.

21 Tertio idem probatur ex decreto Concilij Lateranensis, sub Innocentio III. vt refertur cir. cap. Firmiter de sum. Trinit. & fid. Cathol. vbi ita de Deo dicitur: *Qui sua omnipotenti virtute simul, ab initio temporis, utramque de nihilo condidit creaturam, spiritualem & corporalem, Angelicam videlicet & mundanam; & deinde humanam.* Quæ verba postrema satis indicant, voculum *simul*, in proposito significare similitatem durationis. Qua de causa etiam Ferariensis lib. 2. cont. gentes cap. 83. censet contrariam sententiam modo esse erroneam in fide, & hæreticam: *Canis autem lib. 5. loc. Theolog. cap. 5. Bannes & Molina quest. 61. articulo. 3. Gregorius de Valentia quest. 12. punct. 2. & Suarez lib. 1. cap. 3. num. 15. ex communi recentiorum, sentiunt, saltem esse temerariam;* At vero Vasquez disp. 234. cap. 3. post Caietanum cit. quest. 91. articulo. 3. & Sixtum Senensem annot. 5. existimat nostram quidem sententiam esse probabilem, sed contrariam nulla grauiore nota dignam. Quod etiam ita sensisse videtur Sanctus Thomas hic loc. cit. articulo 3. vbi hanc sententiam vocat *probabiliorum*; & infra ait, *contrarium non esse reputandum errorem, præcipue propter sententiam oppositam Gregorij Nazianzeni; cuius, ut ex Hieronymo ait, tanta est in doctrina Christiana autoritas, ut nullus unquam eius dictis calumniam inferre presumperit:* & tamen vix negari potest, S. Thomam viduisse citatum Capitulum Firmiter. Accedit, quod Augustinus, Theodoretus, & Hugo Victorinus, eam sententiam solum ut probabilem tradiderunt, vt videre est apud Vasquez cap. 3.

Qua ratione vero ex cap. Firmiter contraria sententia non convincatur erronea, non codem modo omnes explicant. Vasquez loc. cit. aliorum responsionibus relectis, putat voculum *simul* non significare similitatem durationis, sed solum id esse, quod pariter: quod tamen certe non cohæret cum contextu verborum, præsentium cū vocula *deinde*, vt dictum. Caietanus igitur, Sixtus Senensis, Gregorius de Valentia, & Suarez locis citatis rectius respondent id quod de similitate durationis dicitur non fuisse ex instituto definitum. Quod probari potest. Tum quia nulla certa regula, nec ex scriptura, nec ex traditione supperebat, qua hoc definiretur: tame si nihilominus absolute definiri potuisse, existimet Suarez. Tum quia nulla erat huius definitionis necessitas: neque enim ad fidem aut mores Ecclesiæ intercessit, hanc veritatem habere ex fide competam. Tum quia non est credibile, propositum fuisse Concilio, aut Pontifici, totum gravium & antiquorum Patrum oppositam sententiam damnare. Seclusa uero Ecclesia definitione, non est, unde opposita sententia erroris aut temeritatis arguitur; nisi ob consentientem scholasticorum Doctorum authoritatem; qua de causa ipse etiam sine temeritate oppositū defendi non posse existimo.

22 Quarto probatur eadē assertio ratione S. Thomæ loc. cit. Quia valde consentaneum erat ratioñ vt Deus, cuius perfecta sunt opera, iuxta Deuter. 32. v. 4. statim ab initio crearet vniuersum non imperfectum; sed potius perfectum, in suo genere: Angelia autem non sunt ipsum vniuersum perfectum, vt patet, sed potius pars vniuersi perfecti, constantis ex utroque gradu corporeæ & incorporeæ natura; propterea enim utraque natura ad se inuicem coordinatur: Ergo non est verisimile, Deum creasse Angelos ante naturam corpoream; sed simul cum natura corporea. Accedit, quod decens non erat, Angelos in nihilo & ante ac extra congruum cœli habitaculum creari. Denique ex scriptura constat, Angelos peccasse in ipso cœlo, ex quo mox pulsii sunt, iuxta Luc. 10. v. 18. *Videlicet satanas tanquam fulgor de celo cadens.* & Isai. 14. v. 12. *Quonodo cecidisti de celo Lucifer;* & iuxta probabilem multorum explicationem Apocal. 12. v. 4. *Et cauda eius trahebat tertiam partem stellarum cœli.* Et v. 7. *Et factum est primum in celo: Michael & Angeli eius prælibabantur cum Dracone, & Dracopugnabat, & Angeli eius: & non valuerunt; neque locus inuenitus est eorum amplius in celo.* Et vero tamen interim certum etiam est, Angelos ab initio peccasse, adeoque post productionem non diu in veritate fetisse, iuxta Ioann. 8. ver. 44. Ergo fieri non potest, vt quod opposita sententia auctores volunt, Angelis longo admodum ante creationem mundi corporei tempore fuerint proditi.

23 Obicitur primo illud Iob 38. vers. 4. & 7. *vbi eras, quando ponebam fundamenta terra, &c.* Cum me laudarent simul atra matutina, & iubilarent omnes filii DEI.

Respondeo hinc tantum colligi, Angelos simul fuisse creatos, simulque in codem instati laudasse Deum (hoc enim opus cum internu ac spirituale sit, non

fit, non indiget tempore) dum mundus crearetur: quod est contra alteram sententiam superius relatam & refutatam.

25 Obijicitur secundo illud Job 40. vers. 14. Vbi de Behemoth dicitur, *ipse est principium viarum Dei;* vbi de Luciferi creatione sermo est, iuxta communiorum interpretationem Patrum, a-pud Pinedam ibidem.

Respondeo, Luciferum dici *principium viarum DEI*, seu processionis ad extra & productionis, quia & ordine temporis nulla cum creatura antecessit, & simul ipse ordine dignitatis antecessit ceteras, vt explicant etiam Gregorius lib. 3. Moral. cap. 18. vel 24. Isidorus lib. 1. de summi bono, cap. 10. & Beda quæst. 9. ex varijs. Quare etiam eodem cap. 40. Job. v. 10. dicitur, *Ecce Behemoth quem feci tecum, nempe quasi in radice, dum mundus & elementa crearentur.*

Obijicitur tertio, illud Tit. 1. v. 1. *Quam promisit, qui non mentitur Deus, ante tempora secularia:* Ergo ante tempora secularia necesse est saltem fuisse, Angelos, quibus id Deus promitteret.

Respondeo, aut nomine promissi intelligi propositum, iuxta similem locum 2. Timoth. 1. vers. 9. *Secundum propositum suum & gratiam, qua data est nobis in Christo IESV, ante tempora secularia:* vel per tempora secularia, non rotum tempus durationis mundi, sed quod à prima promissione de futura salute per Christum, ad primos parentes facta Genes. 3. vers. 5. verbis illis, *Ipsa conteret capitulum, elapsum est, ut bene Suarez citat. cap. 3. num. 33. Reliqua Cassiani loc. cit. non sunt magni momenti.*

Affertio VI. Angelii non fuerunt producti in aere; nec in celo sydere, aut Empyreo propriè; sed in celo tamen ac supremo corporum. Antequam explicetur & probetur haec affertio, obseruandum est, fuisse, atque etiamnum esse de hac re variam Doctorum sententiam: cum enim omnes in eo conueniant, Angelos fuisse creatos in aliquo corpore, iuxta dicta assert, præced. valde tamen discrepant, circa particularem determinationem eius corporis, sive loci.

28 Prima & communis Scholasticorum sententia est, Angelos fuisse creatos in celo Empyreo. Ita sentiunt Magister, & alij Doctores in 2. distinet. 2. Alensis 2. quæst. 19. memb. 3. articulo 2. cum Glossa initio Genes. Hugone Victorino in sum. tract. 2. cap. 1. & Beda in princip. Hexaëm. & significat S. Thomas quæst. 6. art. 4. vbi dicit, fuisse creatos in supremo corpore sive id dicatur, inquit, *cælum Empyreum, sive qualitercung nominetur.* Quod hoc etiam sensu tradunt & sequuntur Caeranus, alijque Thomista, & Molina ibidem, & ex probabili Vazquez disp. 225. cap. 2.

Secundo alij Angelos vniuersim creatos existimant, in celo sydere, sive eo, quod sub Empyreo proxime collocatum est. Ita Lorinus in 2. Pet. 2. Suarez hic lib. 1. cap. 4. num. 7. & fauet Hieronymus lib. 6. in Isaï. cap. 14. & Innocentius III. super Psalm. 5. ponit. vbi dicit, *Angelos peccasse in cælo, in quibus sunt sydera & luminaria.*

Tertio nonnulli sentiunt, Angelos vniuersim creatos infra cœlos, in regione aëris. Ita Ruper-

tus l. 1. in Genes. c. 11. & Eugubinus l. 7. perenn. Philosoph. c. 38. Sed nituntur falso fundamento, Angelos esse corporeos, de quo dub. seq.

Quarto alij quidam sentiunt, aliquos quidem Angelos fuisse creatos in celo Empyreo, alios vero in alio loco: in quo tamen rursus variant. Nā aliqui dicunt, bonos in loco cœlesti, malos in aere fuisse productos: quam sententiam refert, nec improbat Augustinus lib. 3. de Genes. ad lit. cap. 10. Alij vero distinguunt inter Angelos superiores, & inferiores, qui vel motores sunt orbium, vel elementis præsumt: hos enim in ipsis illis locis inferioribus, in quibus suum munus oœunt, creatos volunt; illos autem in celo Empyreo. Ita videtur sentire S. Thomas cit. q. 61. art. 4. ad 2. Quamvis enim in corpore vniuersum dixerit, Angelos fuisse creatos in supremo corpore, tamen insolut. 2. motus auctoritate Augustini loc. cit. ait: *Nihil autem prohibet dicere, quod superiores Angeli, habentes virtutem elevatam & vniuersalem supra omnia corpora, sint in supremo creaturae corpore creati; alij vero habentes virtutes magis particulares, sint creati in inferioribus corporibus.* Idem cum sancto Thoma docet Gregorius de Valentia quæstion. 12. punct. 3. Ex quibus patet, non eundem inter Doctores Scholasticos de loco determinato productionis Angelorum esse consensum, qui est de tempore productionis, ut dictum.

Ego vero cum prima & communis sententia in eo consentio, quod Angelos creatos existimo in supremo corpore, non in aliquo inferiori: cum secunda vero in eo, quod non determinate & particulatim in ipso celo Empyreo productos existimo: quod indicasse etiam videtur S. Thomas loc. citat. vbi cum dixisset in supremo corpore fuisse creatos, addit, *sive id dicatur cælum Empyreum, sive qualitercung nominetur.*

Et primo quidem fuisse creatos vniuersim in celis, sive in celo, non in aere, aut loco inferiori, præter communem consensem Doctorum, colligitur ex cit. loco Coloss. 1. v. 16. & indicant ea scripturae loca, quibus dicitur, Angelos per peccatum de celo fuisse lapsos, ut superius vidimus. Accedit dignitas naturæ Angelicæ, que ut omnem substantiam corruptibilem longe antecedit, ita etiam merito locum sibi dignorem vendicat.

Secundo, quoad hoc nullum esse discriben faciendum inter Angelos bonos & malos, superiores & inferiores, probatur insuper ex eo; tum quia non conueniebat, malos Angelos ante peccatum puniri, & ob solum præsumum peccatum inferiori loco creari; vt in simili etiam docet Augustinus lib. 11. in Genes. cap. 17. Tum quia in productione Angelorum, nondum erant producta sydera, aut cœli syderei & mobiles, quibus mox præficiendi essent Angelii; cum sydera primum quartu die creationis fuerint producta; cœli autem mobiles secundo primu die, cum produceretur firmamentum, essent consolidati, vt colligitur ex Genes. 1. v. 6. In quem sensum bene etiam Molina cit. art. 4. dicit; *Cum Angelii simul cum mundo corpore sint conditi, neque statim à principio Deus orbes mobiles creaverit, sive ut Angelii etiam qui orbis coelestes mouent, in celo etiam Empyreo,* (sive

supremo illo quali quali corpore) sunt conditi, una cōm ceteris Angelis; inde uero descendenter ad mouendū orbes sibi commissos, cum primum orbes conditi sunt, & moueri cōperunt. Et forte defensus ille, & deputatio Angelorum ad mouendos orbes, fuit post finitam Angelorum viam, atque adeo post peccatum quorundam & beatitudinem reliquorum. Ita Molina; cum quatenus in eo minime consentio, quod solum cōlum Empyreum in principio cum terra creatum existimat.

34 Quare tertio etiam probari non potest, Angelos in cōlo sydereos aut vlo alio mobili cōlo fuisse productos, loquendo de cōlo sydereos seu mobili propri, qua cōlum sydereum, aut mobile est; cum tale nullum tunc extiterit, vt dictū, & mox ulterius declarabitur. Nec verum est, quod dicit Suarez num. 7. et si in primo momento creationis Angelorum cōli nondum mouerentur, tamensidereum cōlum immediate post fuisse motum: quia non poterat moueri ante consolidationem secundo primum die acceptam.

35 Sed nec quarto in ipso cōlo Empyreo proprios creatos fuisse dixerim. Tum quia iuxta communem & probabilem expositionem Isai. 14. v. 13. In cōlum confundam, Lucifer iam creatus ascensum ad hoc cōlum intempestive ambiuit; et si Sanctus Thomas cit. quest. 61. articulo 4. ad 3. respondeat, hoc non de cōlo aliquo corpore, sed de cōlo (spirituali) sancte Trinitatis accipendum; in quod, inquit, Angelus peccans ascendere voluit, dum velut aliquo modo Deo equiparari; qua tamen explicatio valde impropria & metaphorica est. Tum quia non decebat, locum adeo excellentem peccato Angelorum quasi infici & dehonestari. Tum quia sicut homo non fuit productus in ipso paradiiso, sed primum post productionem in eo positus, vt eo magis beneficium natura indebitum agnosceret; ita verisimile est, Angelos non in ipso loco beatitudinis productos, sed postea primū finitā viā eo eleuatoris. Quae oīia procedunt, etiā dicam<sup>9</sup> in primo statim momēto productionis cōlum Empyreū fuisse à ceteris cōlis propria superficie ambiente & iam consolidata distinctum.

36 Ex quibus omnibus manet, quod in assertione dictum, Angelos non in ipso cōlo empyreo aut sydereo propri, neque in loco aliquo inferiori fuisse productos. Addidi vero nihilominus, productos in supremo corpore, quod ita declaro, suppositis ijs, quae de cōlorum productione dispensarentur. Nam vt ibidem ex instituto probabitur, in primo momento, sive etiam die productionis, quando cōlum & terra fuerunt creata Genes. 1. vers. 1. nondum facta erat aliqua distinctio cōlorum superiorum & inferiorum; quia tunc nullum adhuc cōlum erat consolidatum; sed omnis consolidatio, adeoque distinctio cōlorum facta est, primum secundo die, quando productum est firmamentum. Erat igitur totum cōeleste corpus initio vnum quoddam continuum & liquidum corpus; quod, vt cum terra alijsque etiam elementis accidit, distinctionem & ornatum, in suo genere seu ordine primum sequentibus diebus, nominatim secundo & quarto die accepit. In hoc igitur cōlesti adhuc in-

distincto corpore, (quod proinde verē etiam erat supremum omnium corporum) creati sunt Angelii; non quidem ea parte supraea eiusdem corporis, quae postea, facta distinctione, cōlo Empyreo respondebat; sed in aliquo loco inferiori, sub illo; eo nimurum, qui nunc cōlo mobilis sine sydereo responderet.

Qua ratione optime & facillime conciliantur omnia loca Scripturae. Sic enim propri & ad literam intelligitur illud, *In cōlum confundam*, nempe in superiore eius partem; vt vulgo dicere solet in inferiori parte cōdium constitutus, descendam in ades &c. sive in ipsum cōlum Empyreum iam ab alijs discretum, si quidem lapsus Angeli factus ponatur post diem, aut ipso die creationis secundo, post productum firmamentum. Et addit, *super astra DEI*; hoc est supra ceteros, Angelos omnes &c. sive supra locum astrorum: siquidem astra ipsa tunc nondum erant producta. Ita intelliguntur etiam Angelii proprii in ipso cōlo producti, & de cōlo lapsi &c. Fauet huic sententiae etiam Innocentius III. in psalm. 5. penitent. vbi dicit, Angelos peccasti in cōlis, in quibus sunt sydera & luminaria, & ideo probabile esse, illos etiam cōlos esse immutandos & purificandos in fine mundi; quod de cōlo Empyreo dici non potest, vt bene Suarez numero septimo. Plura disp. seq. q. 2. dub. 2. & q. 3. dub. 1.

## D V B I V M II.

*Sintne Angelii corporei, an plane incorporei; atque etiam simplifices, & sine compositione.*

S. Thom. 1. 2. q. 50. aa. 1. & 2.

C Vm praecedenti dubio constitutum sit, Angelos existere, & quidem esse quasdam substantias intelligentes, perfectas, & compleatas: quando vbiique scriptura de illis, sicut de hominibus loquitur, eisque velut perfectis agentibus vita & intelligentia munia ac functiones tribuit; neque unquam Angelos alicuius corporis, sive subiecti formas naturā sua informantes facit; nec eos vspianas animas vocat, vt notauit etiam Augustinus lib. 1. retract. cap. 10. & 16. & lib. 2. cap. 14. sicut nec vllius compositi substantialis meminit, quod ex Angelo veluti forma, & alio quodam subiecto constet; inonc nec ipsum nomen Angelii, quod in omni lingua masculinum est, facile patitur, vt eo imperfecta aliqua forma significetur; superest inquirendum, qualis substantia sit Angelus. In quo genere primum occurrit diuisio substantiarum in corpoream & incorpoream, de qua proinde hoc loco differendum. Duobus autem modis substantia aliqua potest esse corporea; primo vt totaliter & ad aquate secundum omnes suas partes sit corporea, sive simplex, vt sunt elementa; sive composita, vt sunt substantiae rationis expertes; secundo, vt

secun-